

SCRIPT OF EVENING GOJRI NEWS BULLETIN 5APRIL 2025

1700HRS

اوننگ گوجری نیوز بولٹن 5 اپریل 2025

یوہ آکاشوانی جموں بے نصرت تے تارق ابرار تیں خبر سنو۔

HEADLINES

- ۱۔ شریلنکن صدر نے وزیر اعظم نریندر مودی نانہ شری لنکا غو اعلیٰ ترین اعزاز مترہ وبوشن تیں نوازیو تے بھارت شریلنکا غے درمیان دفاع توانائی تے تجارت غاشعوبان مانہہ اہم معاہدہ طہ پایا ہیں تانجے دواں ممالک غا تربیری تعلقات نانہہ مضبوط بنایو جاسکے۔
- ۲۔ مرکزی وزیر داخلہ امت شاہ نے اپنا جموں کشمیر غا دورہ غی تاریخ ایک دن پہلاں کردتی بے ہن وے پلک ۶ اپریل ۵۲۰۲ نانہ دوپہر غے وقت جموں پُجے غا۔
- ۳۔ تخصص پلیسی بارے ابھر تا واخداشات ناں دور کرن گا سلسلہ مانہہ سماجی انصاف گی وزیر سکینہ اتو نے کہیو وے تخصص پالیسی ماں شفافیت یقینی بنائے گی۔
- ۴۔ گزشتہ رات جموں مانہہ بین الاقوامی سرحد غے کول اک پاکستانی درانداز ناں ہلاک کردتو گیو۔

- ۵۔ جموں کشمیر رام بن پولیس نے ہشت گرداں غی حمایت کرن آلاں افراد غے خلاف قانونی کاروائی کرتا مانہہ ۲ جانیداد ضبط کی ہیں۔

PM SRILANKA

وزیر اعظم نریندر مودی نے اج کولمبو مانہہ شریلنکن صدر تیں گل بات کی۔ اس ملاقات غو مقصد دواں پڑوسی ممالک غے درمیان تربیری تے ترقیاتی شراکت داری نانہہ مضبوط بناتو تھو۔ دواں رہنماواں غی موجودگی مانہہ دفاع تے توانائی سمیت مختلف شعوبان مانہہ کئی معاہداں ور دستخط ہوا۔ مشترکہ پریس کانفرنس تیں خطاب کرتا واں وزیر اعظم نریندر مودی نے اس طرح کہیو۔ شریلنکن صدر نے وزیر اعظم مودی نانہہ شری لنکا غا اعلیٰ ترین غیر ملکی عزاز مترہ وبوشن تیں نوازیو انہاں نے یقین دہانی کرائی جے شری لنکا اپنی سرزمین نانہہ بھارت غی سلامتی غے خلاف یا امن نانہہ نقصان پجان غے خلاف کسی وی سرگرمی واسطے استعمال نہیں ہون دے غو۔

HM VISIT

مرکزی وزیر داخلہ امت شاہ نے اپنا جموں کشمیر غا دورہ غی تاریخ ایک دن پہلاں کردتی بے ہن وے پلک ۶ اپریل ۵۲۰۲ نانہ دوپہر غے وقت جموں پُجے غا۔ اس ترے روزہ دورہ غے دوران وے بی جے پی غاسمبلی ممبران تے پارٹی غا اعلیٰ لیڈران تیں ملاقات کریں گا نالے اس دورہ غے دوران گل بات غو مرکز دہشت گردی غے خلاف مہم سرحد پار تیں دراندازی غی کوشش تے جموں کشمیر خطہ غی حفاظتی صورتحال غو جانیزو لیں واسطے ۲ اہم میٹنگ غی صدارت کریں گا۔ اس تیں علاوہ مرکزی زیر انتظام علاقہ مانہہ کئی ترقیاتی منصوباں گو ورچول افتتاح تے سنگ بنیاد رکھیں گا۔

SAKEEN RESERVATION

تخصااص پلیسی بارے ابھر رہیا خدشات ناں دور کرن گا سلسلہ ماںہ سماجی انصاف گی وزیر سکینہ اتو نے انتت ناگ ماں اک پریس کانفرنس غے دوران کہیو جے حکومت اس مسئلہ ناں سنجیدگی تے شفافیت ناں سلجھان گی وعدہ بند بے انہاں نے کہیو جے اس سلسلہ ماں سرکار نے کابینہ سب کمیٹی تشکیل دتی بے جہیڑی بکھ بکھ وفداں سنگ ملاقات کرگے اس ور جامع نظر ثانی یقینی بنائے گی سکینہ اتو نے کہیو جے وزیر اعلیٰ عمر عبداللہ گی قیادت ماں سرکار تمام فریقاں سنگ گل کرے گی تے تخصااص پالیسی ماں شفافیت یقینی بنائے گی۔ اس موقع ور بولتا واں سکینہ اتو نے اس طرح کہیو۔

CS DRUG ABUSE

چیف سیکرٹری اٹل ڈلو گی صدارت ماں سول سیکرٹریٹ ماں اعلیٰ سطح گی ایک میٹنگ منعقد ہوئی جس ماںہ جموں کشمیر یوٹی ماںہ منشیات گی وبا گا خطرات بارے بڑا پیمانہ ور چلائی جان آلی بیداری مہم گی تیاریاں گو جائیزو لیو گیو مہم گو مقصد لوکاں ناں منشیات گا سماجی قانونی تے جسمانی صحت گی پریشانیاں تے نقصانات گی جانکاری دینو بے ضلع ترقیاتی کمشنراں نے محکمہ اطلاعات غی طرفوں اک ہفتہ گی بیداری پوڈکاسٹ سیریز سمیت تیاریاں گی جانکاری دتی۔ آکاشواںی نیوز سنگ گل کرتا واں چیف سیکرٹری اٹل ڈلو نے اس طرح کہیو۔

PAK INTRUDER DEAD

گزشتہ رات جموں ماںہ بین الاقوامی سرحد غے کول اک پاکستانی درانداز ناں ہلاک کردتو گیو۔ عوامی رابطہ افسربی ایس ایف جموں گے مطابق ۴ تے ۵ اپریل گے بشکار رات ناں چوکس بی ایس ایف دستاں نے آر ایس پورہ ماں مشتبہ نقل و حرکت دیکھی۔ درانداز جس ویلے بین العوامی سرحد عبور کرن گی کوشش کر رہیو تھو توں سلہامتی دستاں نے اس ناں للکار یو لیکن اس نے انتباہ ناں نظر انداز کیو جس تیں بعد بی ایس ایف دستاں نے اس ناں ہلاک کردتو۔ دراندازی گی یاہ کوشش عبدلیاں چوکی ور کی گئی۔ درانداز گی شناخت تے اس گا منصوباں بارے پتو لایو جارہیو بے۔ بی ایس ایف ترجمانے کہی وے جے دراندازی گی اس کوشش بارے پاکستانی ہم منصب سنگ سخت احتجاج درج کرایو گیو بے جدکہ پولیس نے پوسٹ مارٹم تے قانونی لوازمات پورا کرن واسطے درانداز گیلان ناں منتقل کردتو بے۔

PROPERTIES SEIZED

جموں کشمیر ماںہ شدت پسندی ور قابو پاں واسطے جموں کشمیر رام بن پولیس نے ہشت گرداں غی حمایت کرن آلاں افراد غے خلاف قانونی کاروائی کی بے۔ ایک اہم پیش رفت ماںہ ایس ایس پی رام بن کلہر سنگھ نے دسیو کہ گول علاقہ ماںہ ۲ جائیداد ضبط کی گئی ہیں جہیڑی محمد شریف تے محمد یوسف غی مالکیت ہیں دوئے پاکستان ماںہ مقیم ہیں یے جائیداد دیشٹ گردی سرگرمی تیں منسلک پائی گئی ہیں اس موقع ور ایس ایس پی رام بن نے اس طرح کہیو۔

SMVD

درگا اشٹمی غا موقع ور شری ماتا ویشنو دیوی مندر ماںہ بھاری بھیڑ دیکھی گئی۔ ہزاراں غی تعداد ماںہ عقیدت مند، مند ماںہ ماتا ویشنو دیوی غ ادرشن واسطے آیا انہاں نے دعا منگی تے آشرواد لیو۔ رام نومی غی تیاریاں تے بدھتی وی بھیڑ ناںہ دیکھتا واں کترہ شہر ماںہ حفاظت غ سخت انتظام کیا گیا ہیں جگہ جگہ ناکہ لایا گیا ہیں۔ پولیس غی گشت بدھا دتی

گئی ہے سامان غی جانچ تے سی سی ٹی وی غے زریعے نگرانی کی جارہی ہے۔ شرائینبورڈ نے یاتریاں تیں اپیل کی ہے جے حفاظتی اہلکاراں تیں مکمل تعاون کریں تے دتی گئی ہدایت ور عمل کریں۔ آکاشوانی غا خبراں آلہ شعوباں سنگ گل کرتا واں ایک عقیدت مند نے اس طرح کہیو۔

UDH FARMING DISPATCH

ادھمپور ضلع مانہہ کھیتی گی مشکل آہستہ آہستہ بدل رہی ہے۔ مچ سارا کساناں نے سرکاری سکیمیں آلے پاسے رغبت دسن تیں بعد اعلیٰ ٹیکنالوجی آلا پولی ہاؤس حاصل کیا ہیں ضلع ادھمپور مانہہ محکمہ زراعت کی طرفوں ۱۰ اعلیٰ ٹیکنالوجی آلا پولیہاؤس تیار کیا ہیں جدکہ کہٹ قیمت آلا ۹۳ پولی ہاؤس بھی تعمیر کیا گیا ہیں۔ اس بارے مزید جانکاری دیتا واں مہارا ادھمپور گا ضلع نمائندہ اچن دوبے نے اس طرح کہیو۔

DODA CRICKET

جنسی مساوات نانہہ بابدو دین غی خاطر ضلع انتظامیہ دوڈہ نے ڈسٹرکٹ ڈرونا چاریا سپورٹس کلب گا اشتراک سنگ غورنمنٹ ڈگری کالج گا میدان ماں بیٹکھاں گو کرکٹ میچ منعقد کیو۔ بیٹی بچاؤ بیٹی پڑھاؤ پہل غے تحت اس کرکٹ مقابلہ گو مقصد بیٹکیاں نانہہ باختیار بنانو تے کھیڈاں مانہہ شمولیت آلے پاسے انہاں نانہہ راغب کرنو ہے۔ اس موقع ور ضلع ترقیاتی کمشنر دوڈہ برویندر سنگھ مہمان خصوصی تھا۔ انہاں نے بیٹکیاں نانہہ ہر میدان مانہہ بروبر موقعہ دین گی پہل گی تعریف کی۔ اس موقعہ ور بولتا واں ڈی سی دوڈہ نے اس طرح کہیو۔
